

天 飛 龍 圖 卷 之 一

揭曼碩詩集卷之一



臨川女

門生前進士受理博化校錄

我本朱氏女住在臨川城家世事趙氏業惟食農耕五歲父乃死天復令我盲莫知朝与昏所依母與兄母兄日困窮何以資我身一朝聞密言与盲出東門阿母送我出阿兄抱我行不見所向途但聞風雨聲行五里餘忽有吁兄名兄乃棄我走客前撫我言我与趙世親復与汝居鄰聞汝即赴死扶服到河濱我身盡沾濡不復知我身汝但与我歸養汝不記年湮遵旋路咽還入城中盡驚問戚從不能言望門喚易衣恐我身致患予子戊母來汝勿憂飢寒汝但与盲居保汝母女全我母為之泣我為之歎喜我生來歸疑我能

再明况得与母居不異我父存我今已十三温飽兩無營我母幸康
彊不知兄何行我母本慈愛我兄之親里而難君与貧遂使移中情
當日不知死今日豈料生我死何足憾我生何足榮所恨天地生不
如主翁仁誰能為此德妻公名起莘

夏五月武昌舟中觸目

兩髯背立鳴雙橈短策開合滄江雨青山如龍入雲去白髮何人並
沙語船頭放歌船尾和蓬上雨鳴蓬下坐推蓬不省是何鄉但見雙
雙白鷗過

張君壽先生鵠山隱居

當日自期顏杲卿莫年羞見魯諸生膝魚多病終難屈身為長愁視
轉輕日晏典衣留客醉雨餘闔戶看見耕淮雲楚樹晴如掃臥送年

年江水聲

送趙履道虞牀常還江右

趙子我同里虞郎我同年手折武昌柳送上西江船買魚沽酒燒荻
鞭夜下西塞寒山前西塞山碧如苔君今去幾時來東風花開春水
漲待君黃鶴樓頭望君庾公樓上

寄題九江義門陳氏壽安堂

匡廬之陰彭蠡涯七百餘載真良家

宋御書表其門曰真良家

冲和鬱勃吹不散飛

落南山萱草花往時冠蓋如流水撞鐘鼎食三萬指詔書十度復租

庸每歲朝廷仍貸米父慈子孝則四方紀淨綱明照閭里蓬萊水淺

昆明空天開地闢元氣通張公百忍澤木曷王母千年桃始紅南山

築堂三百步翠竹屯雲森玉樹忠厚必有神明扶溥樸自是朝顯具

方瞳綠鬢紅氍毹春酒搖蕩香扶踈公侯子孫始必復日為大夫人
起居

正月十二日尋廬學士船至漢口留詩為別

晴江澹微瀾曳雲在曾噉參差連舫出散漫羣鷗遠始知道漢廣遙
睇高旆卷懷賢每忘賤臨流亦忘塞蒼茫景將入窈眇春猶淺新知
遽相違餘悰何由展

黃尊師高軒觀鵝因留宿

開軒南嶽下世事未曾聞落葉常疑雨方池半是雲偶尋騎雀侶未
此看鵝羣一夜潺湲裏秋光得細分

衡山縣曉渡

古縣依江次輕輿落岸隈鳥衝行客過山向野船開近嶽皆雲氣中

流忽雨來何時還到此明月照沿洄

題王山仲所藏瀟湘八景圖卷走筆作

瀟湘夜雨

澹澹暗江樹荒荒楚天路穩繫渡頭舡莫放流下去

遠浦帆歸

冥冥何處來小樓江上開長恨風帆色日暮誤郎回

烟寺晚鐘

朝送山僧去暮喚山僧歸相喚復相送山露濕人衣

洞庭秋月

顥氣自澄穆碧波還蕩漾應有凌風人吹笛君山上

平沙落雁

天寒閑塞遠水落洲渚闊已逐夕陽低還向黃蘆沒

漁村晚照

定從海應出且向平沙照漁網未全收漁舟還下釣

山市晴嵐

近樹參差出行人取次多板橋渡路口此世幾迴過

江天暮雪

孤舟三日住不見有人家昏，竹籬處却恐是梅花

以事暫如武昌發臨川

江轉欲無路山迴忽似圍客程秋共遠物色晚多疑稍，沙鷗集怒
怒野樹稀武昌今夜夢定有故人知

女兒浦歌

女兒浦前湖水流女兒浦前過湖舟湖中日，多風浪湖邊人，還
白頭

大孤山前女兒灣大孤山下浪如山山前日，風如雨山下舟舡自
往還

送尹十六善叟謁告歸茶陵會葬賢兄處士十韻

八歲賴賢兄未埋猶望生旋聞日下葬敢惡世間榮得告如無及嚴
期况有程意長看路短義重覺身輕鄉樹迎舡出江雲入莫橫望山
占驛堠聽雁作城更但使能臨穴猶堪略尉情死生今古異去住別
離并尚足疇知己非貪美俗評怒，不可盡迴首各沾纓

送黃五舅得武陵校官還辰州寓居省侍

寧上山頭種禾黍莫向他鄉作羈旅山田得雨尚有年他鄉鷓鴣何

人憐一身千里家何在
全家更在沅湘外
獨樹雞鳴楓葉飛
荒村雁沒蘆花碎
親在窮邊望子還
子在長途衣復單
居無寸田出無僕
明年作音官當食祿

貧交行

驅車涉廣川揚帆陟崇丘
结交四海內中道多憊
尤朔風厲苦節獨
崔橫九州朝拂三島樹
夕過五城樓兩翅偶寒影
曠然何所求登高
臨大江日莫萬里流
時裁疏鑿人八年忘
外田出必益稷俱歸
與夔龍儔進退兩不疑
功成垂千秋萬事日相效
恩情若雲浮吾心苟不
渝反覆安足仇自非天地外
何能獨忘憂

曉坐張先生朝陽軒

朝日照高樹
幽人方啟閤
蕭窳塵外事
風葉滿窗間

別武昌

欲歸常恨遲
將行反愁遽
殘年念骨肉
久客多親故
佇立望江波
江波正東注

南康夜泊聞廬阜鐘聲

廬山三百寺
何處扣曾雲
宿鳥月中起
歸人湖上聞
入室應更迴
近瀑正難分
遙想諸僧定
香爐上夕熏

春日雜言七首

日月朝、新何物能獨久
常恐天与地变化、已朽
東閣闐然來茫茫
浩無首起視桃李
樹暎豔一非旧
如何揚子雲
浪點空自守
朝出城西門
孤墳何穹窿
雄狐竄其西
修蛇出其東
云昔有狂士
七尺才且雄
平生無所賴
屠狗涉春冬
一朝除風塵
身貴位益崇
死生

好惡間嗒生秋風氣驕日憑陵家國兩蒿蓬子孫分散盡室有牛羊
蹤

幕厯楊柳枝蒙茸春草齊天、誰家婦采桑臨路岐零露沾其裳蛛
絲卷其衣樹高身苦弱蚕飢行復遲辛苦事姑嫜宿昔減容輝見者
皆歎息此心知獨誰良人日暮至醉問爾何為

嗚、田間雀啄、常不給春水日已深網羅復相及既無養生具日
夕湯火急多謝雲間禽無為自羈縻

祝融九千丈瀟湘地厓流洶湧洞庭野崩騰江漢秋上有飛仙人身
披紫雲裘昔者嘗相遇縹若乘丹丘同飲黃雀渚共醉岳陽樓思之
忽不見獨立悵悠悠

我有琅玕草欲贈江東客出門道路長卷袂空歎息靈苗世所尚良

士余所惜神仙無千年耿、誰復識

五歲能讀書十歲能賦詩十五事遠游三十無所為既乖俯仰責復
為鄰里欺生計日已疎世態多瑕疵煌、金張門徒隸皆光輝日晏
賓客集軒車如風馳一笑擲千金片言委黃泥齊生獨抱琴來往何
逶迤

夢兩雛

阿英十二能辟疆阿牛五歲貪讀書辟疆成縷無人識讀書有志今
人惜汝父飄零汝母休吾親雖健俱白頭雨聲斷道風驚屋阿婆獨
抱諸孫哭

夢武昌

黃雀樓前鸚鵡洲夢中渾似昔時遊蒼山斜入三湘路落日平鋪七

澤流鼓角沉雄遙動地帆檣高下亂維舟故人雖在多少散獨向南池看白鷗

遊麻姑山五首并序

湖北憲使程公閒居盱上二年矣五月二十日

詔拜翰林學士又十日公與使者及諸客同遊麻姑山輒以覽歷所止賦詩五首

雲關

君子荷初服恩至若無榮穆、芳雨散悠、蒼山行危關擁霧黑飛術緣雲青苔蘚滑如積杉松宵冥、時負逢蒼翁忽聞流水聲舉足向益高矯然欲遐征徒隸各忘倦矧彼高人情

飛練亭

神工擲天神挂之兩崖間萬古輪不盡誰能測其端勢割山石愁氣挾草木寒安得天風吹繫彼日月還麻姑綠雲疑黝、長不殘

湧雪亭

泉源出地應仰向雲中行擘崖瀉千丈亂石皆騰擗風霆日夜急雨雪虛空明不有神物扶茲山應久傾噴薄側飛鳥碎鑄愁百靈仙家信為好喧聒何由平

三峽橋

兩山東飛橋下整不測淵誰開萬尋鐵逗此無窮泉淙、輟空曲洶洶投奔川陽光下照之忽作龍騰天常恐素田變中有瞿唐船

麻姑壇

嵯峨仙都觀遙望丹霞天後有千歲松前有百頃田風日夏颯颯烟

雲畫窗半羣彥一時集安知非列仙持觴起相醅罷琴抗高言天道
信悠邈人情何拘掣靈君不可致落景詎少延仰雖慙冥俯實憂
元主人願坐客此中可望年

盧學士奉 旨南祀海嶽絲鍾陵相別聞尚宿留會稽有懷
奉寄

鍾陵一分手幾日過錢塘五日山陰路千峰海上涼烟霞含景氣草
木識天香風昔經行處風深轉不忘

病夜

素壁深窗獨客身桃枝薑肱只為鄰極慙供給煩賢友尚恐傳聞及
老親蒼鬢或寒相應起燭花連夜為誰新多情造物真豪縱盡力相
驅病與貧

得程翰林揚州消息

皇明屬休期側席佇貞良游麟既集數鳴鳳亦在岡君子乘時興出
餞何輝光車馬塞江介笳鼓凝羽觴時秋風雨交四顧野茫茫晨鉦
激中流飛旆忽異方蓄思遵旋軌浮雲終北翔道路間和幾草木墮
寒霜畧景倏易流悲來但徊徨君懷經綸憂負災疾妨騫沉固異
趣情誼結中腸居下衆所夷在賤誰不忘宛緬廣陵翰胡徒置我傍
鬱悒增愁思投定睇莽蒼自顧匪茅茹委跡任空墻淵賢達心恨
恨情內傷

歸故園新居落成後作

親老身仍苦家貧歲更凶掄材斤斧後發地草萊中面勢看前趾歡
呼集衆功聊存今日意散望昔時同

漂轉何多歲艱難且定居隣人供菜果禪子進詩書稍覺牛羊遠
兼知蔓草除此園三百載亦復返吾初

山行

稍出羣山復涉溪，光山色冷相輝青裙獨踞溪邊石不顧行人自
濯衣

寄題馮掾東臯園亭

時雨散餘綠緒風滿平原興言慕君子退食在丘園出應當世務入
詠幽人言池流澹無聲畦蔬口蔥芋高林麗陽景羣山若浮烟好鳥
應候鳴新□和且閒時與文士俱消搖農圃春理達自知間清忘可
避喧庶云保貞和歲暮委周旋

宿梁安峽夢故室有感時還盱江

梁安峽裏杜鵑啼絕壁蒼，北斗低雲氣倒連山影合石稜斜闢浪
聲齊南風盡日迎歸客落月空江夢故妻一室十人分數郡百年幾
處候晨鷄

送趙仲遠赴晚寧

仍為令尹去如送武夷仙舊政閩人說新詩海客傳度閩風擬署下
瀨月依船不棄循良意回知幕府賢

山莊晚立有懷舍姪沆督護臨川

菽、黃菜葉蒼，白竹峰居人爭野碓歸客背村鐘路暗綠溪濕山
寒着霧濃阿咸收稻未辛苦闕相從

哭王十良仲

深谷可為陵大海可為田唯有死者窮無由覩青天千古黃壤間萬

古黃泉下精神與時息形質隨日化日落朝復生月缺望已盈不知
死者別何時見形散悲哉復悲哉已矣復已矣我友初五人今烏忽
成四死者不復見生者長別離人生如春花美好知幾何欲為生者
歡須念死者苦死生日相尋歡樂如糞土

雨述三篇

江南暗月天未雪居者單衣行苦熱連山郡邑瘴盡行豈獨嶺南與
閩越逋民穰。度閩山十人不見一人還明知惡去未已可憐生死
相追攀

近聞閩中瘴大作不聞村原與城郭全家十口一朝空忍飢種稻無
人穫共言海上列城好地冷風清若蓬島不見前年東海頭一夜潮
來點如掃

冬來一晴四十日三日南風當有雪不知閩嶺今何如念我故人書
斷絕劍南判官心所親甌寧大夫政有神腐儒多事浪憂喜安得貽
書兩故人

春莫間居寄城西程漢翁十五韻

迢、魯城阿峨、鳳皇山下有隱淪士能為淮漢言兩日一寓音五
日一承顏每談經濟事恒及離亂間言碎多抗愾文字少凋殘不歎
東逝川但憶南山田寧與無心遊不受衆目憐褰衣必峻嶸散步亦
名園舒卷信在襟蕭窳固所安徑春僮疾痲撫時增懦屣羣書亂藥
裏高臥掩荆關塞余屬久要朝詣常暮還醜劣愧高情烏知君所觀
日出衆鳥語蒼岑滿樓端申章寫深誼薄何由宣

長風沙夜泊

長風沙風沙不斷行人嗟行人嗟奈君何南風正高北風起大船初
灣小船喜移船更近大船頭不獨風沙夜可愛但祝行人好心事長
江何處是安流茅屋參差數株柳時平尚置官軍守青裙老嫗詫鮮
魚白髮殘兵賣私酒魚賤可買酒可沽他人心事知何如

何卽失鏡詞

團團如月不曾虧家人親置枕中時朝朝將正頭上憤時時携鑷鬢
邊絲古文宛轉何人造失來始覺今難討街頭不直半緡錢古銅終
較今銅好向人不敢再三尋客裏空疑同舍心萬里相隨一朝別夜
夜還瞻天上月

贈青城侯尊師次人韻

聞說名山采藥蹤多從雲去少人逢蜀江春老歸難定燕谷寒來望

轉濃案上僊經新長蠹匣中雄劍舊降龍不知少日尋真處還在青
城第幾峰

贈友

天道有恒運君子蹈其常時物自熙洽庶心忘惟康鄙人寬慮思殊
氣冒陰陽霜霰中夏零烏得不摧傷先聖有遺訓血氣戒方剛懿彼
老氏言舌齒口存亡反躬寔明哲觀色屢迴翔正德詎云割華欲乃
非祥如霽壘空明不足榆景光勿謂徑寸垂不足載春芳推餘暨昏
朝懷孰安能忘

曉出順承門有懷大虛

步出城南門張望江南路前日風雪中故人從此去

京城閒居雜言八首

易為義一思易為仁
叟何以尉心神
哀飈驚野草日夜委鮮腴嗟哉白楊樹高凌玄虛朝遊車馬中夕
息思故廬塵襟難為絮野性非京都貧賤不自保烏能恣簪裾賴有
死與生可齊賢與愚

去婦詞

唐詩

江東有一士子留都下三年適娶一貴人女為妻久有知其已有妻
子矣一夕逃去因託去婦為之詩非徒欲傳其事抑以示風戒云爾
輕合鮮義終苟容希礼遇遠結萬里昏多為才名誤始與君結好不
知君有婦有女嫁他人俱懷託遲莫青墻下草生死墻下路娟娟
道傍華零落無處所女子失其身何以保貞素既永百年意百年誰
能度對鏡空悲惜中心良難訴浮萍難為託一木無兩附棄舊屬新
歡新歡漸成故寧當中路析莫被他人去寧老阿母傍不受他人妬
騰身出房闥兩絕無復顧所願嫁他人甘心西山對

四友詩

四友者廣信王庭鈺良仲臨川李商弼良佐武昌盧廷鸞子儀同里
熊坦從正也李亡已七年餘六七二三年余索居京師每夕夢寐與
四友相接傷其皆賢而無壽又與余篤好迺作四友詩一以志余哀
一以槩見其平生云李得年二十二盧二十九熊三十四王四十有

九

三兄負奇偉十四已應門倉卒遭閔凶盜賊蔽丘原衰絰從伯父慄
慨安其人豪橫劇狼虎曠日莫敢干降心相款密共稱孺子賢時應
州縣役調笑官長尊酬接雖靡監講習日多聞激烈忠憤際委曲禮

法間時平俗益康放志農圃言

有集曰

浮湖感龍變

嘗汎彭蠡見龍見遂陟肆意墨龍悟解變絕

嘯思鳶騫古笛振哀鉄清琴敏素絃每傷古人逝迸淚尊酒前与我

初識面已誓為弟昆誰謂天不仁中路遂離分窠、昂山阿黜、硯

井泉賓客一以散託夢与招魂嘉木不叢生猶為造化欺絲霜凋其

葉震風蕩其枝利蟲齧其根飢禽啄其皮豈無雨露滋不得干雲霓

李氏年弱冠博通三氏詞援毫捷飛電吐氣裂豹螭信如海上潮直

若琴上絲朗如九秋月温比三春暉志在躋聖賢寧復顧所私一悟

生滅理天地忽若遺

君平時一日晨興有數道人叩門請求作白蓮菴記君援筆而就大為得意有頃忽奄然生逝父母聞而趨

哭之迎謂父母曰某兄弟幸多死生命也勿以為憂既瞑一道人撫其背曰檀越檀越生好處復瞻目視道人厲殺曰佛法本無

生滅遂卒癸卯二月也葬時眾輿出城初不能勝忽輕如羽

顏曰蚤聞道短折非所悲茫、後死者中夜獨漣漣

武昌故舊中盧生亦奇傑雄才傲當世高誼凌白日負賤有相知富

貴莫能折冠盖如雲霧而獨与余密大德七年夏予有長沙役臨河

与余分攬袂久嗚咽知心託生死誰能此離別千里竟相後風波復

炎熱青天入杯酒歌嘯中夜激便欲乘滄溟超遙送華髮行、亦云

至終當与君柝捨掉即長途惆悵如永訣謂余平生懷時俗莫能達

學不追古人終不願有室還聞起分教小邑傍蕭瑟始為賢者哀卹

知遽淪沒樊山羅歡讌赤壁空流月佇立想音形音形一何濶

親友日凋謝况我情所鍾熊子三十餘亦在九原中高才祗促齡積

善適為凶天道不可依人命如飛蓬夢寐常相見炯若生相從亦知

心不異矧復里閭同始君掾韶學我心實忡、歸來已三年微疾竟

永終薄祿不救飢一官非高崇獨令君子止碧血冷秋風鄰曲恩愛

絕山川談笑室名家失金匱樽標入公宮誰復健粹溫徒用想春容
千秋瓊山路繚繞劍池東

賦雙陸

三五對參差高呼得采時猶疑雙出早每恨獨歸遲散地偏難入全
功或誤奇極知妨日力聊足審安危

泊安慶時再北游

夜泊淮西郡寒生客子衣酒家臨岸闌野燒映江飛雲盡月初出潮
平風漸微前年城下路此際正南歸

漁父

夫前撒網如飛輪婦後搖橈青衣裙全家託命烟波裏扁舟為屋鷗
為鄰生男已解安貧賤生女已得供炊爨天生囚畧作田園不教衣

食者人面男大還娶獻家女女大還作獻家婦朝骨肉在眼前年
年生計大江邊更願官中減征賦有錢沽酒供醉眠雖無餘羨無不
足何用世上千鍾祿

高郵城

高郵城、何長城上種麥城下種桑昔日鐵不如今為耕種場但領
千萬年盡四海外為封疆素陰、步、終古不用城与隍

濟州初度

辭家計日逢初度遲日暄風在帝京恍起慈親望天北行人初泊
濟州城

楊柳青謠

楊柳青、河水黃河流兩岸葦離長河東女嫁河西郎河西燒燭河

東光日之相迎葦檐下朝之相送葦離傍河邊病叟長迴首送兒北
去還南走昨日臨清賣葦回今日販魚桃花口連年水旱更無查丁
力夫徭百不堪惟有河邊守墳墓數株高樹曉相參

雜詩四首寄彭通復

日月麗中天列宿爛昭之河漢高且深烏鵲以為橋寒霜昨夜降時
菊委嘉苗地勢西北雄終歲皆風颺玄工宰萬物時至有榮消常恐
光景馳不得与消搖

區之九州內橫從數千里誰設山与河愚者分表裏京師天下本萬
國赴如水珠犀從南來狗馬由西止浩之荆吳船日夜行不已生材
無定所一物孰非已皇天仁且廣君道亦如此我思古唐虞當日誰
共理

巢由伏箕頽園綺居商顏洗耳甘自潔茹芝竟不還三傑足為理五
臣安可攀高尚誠所貴孔轍奚獨環吾聞有隱淪多在衡霍間飯牛
腹長飢百結淒以寒懷寶羞自獻邈然老空山

脉之我所思彭氏躡遐蹤婉之若處子未曾出房櫳相望四千里踰
年闕相從五月君寄書九月達京中我書欲報君書到歲已窮豈不
懷繾綣無由覲君容參差天際雲縹緲乘朔風羽翼不吾施翩彼南
飛鴻君有高世行我無適時功天命人得違出處諒非同

栢堂詩

栢堂為劉母熊夫人作也夫人有淑德年二十五而寡守志不嫁有
子曰觀又賢作堂以奉其母請名于太史氏謂之栢堂而作是頌
鬱彼北堂言樹其栢其栢疑之維木之特栢之始生于彼高陵雨露

其凝金石其貞栢之既成
鳳臆鸞膺言樹斯庭霜雪
是憑雪霜浩其栢鳩之有
美君子而弗偕老其華葉
其節桓其居安永世式視
我堂既搆我栢既茂天錫
眉壽保艾爾後



[Faint, mostly illegible vertical text, likely bleed-through or a secondary inscription.]

揭曼碩詩集卷之二

獻張平章

天歷肇玄朔坤輿集皇靈
汴蔡旣榛夷南海淪炎精
圖書入天府將帥功業成
寶玉被親懿茅土列公卿
庶類奮休祥羣賢基太平
明公紹鴻烈文采敵華聲
出入三十年惕然心靡寧
論兵輶安危攬縈思澄清
矧宅股肱地夙夜在王庭
名高德益難位隆貴匪輕
聖心誠弘裕臣節美戰兢
唐虞登夔臯猶日升周召
竭師保成康措王刑昌明
頌同濟援竿播芳馨

題祝道士龍虎山先天觀圖

聞說先天觀重絕壁環鳥啼
青澗裏花落白雲間
樵子能長嘯居人識大還
洞門無處認唯有水潺湲

二頁詩

閨右有姬氏者父子皆蚤世姑趙婦張皆以年二十五而寡守節不嫁作二頁詩

閨右有姬氏父子皆蚤捐孀婦奉寡姑誓死各芳年膏沐誰復理羅襦委篋間辛苦事蚕繅祭祀亦靡愆父母既莫奪媒妁徒空言鳧雁安所施幣玉視如烟寧與枯瘁沒不為歡樂存婉婉桃李花春鳥何翩萬物各知時姑婦獨纒然

史館獨坐

地寬天逾近風高午尚寒虛庭松子落敲檻菊花乾撫卷俱千古憂時有萬端寤寐麟父筆才薄欲辭官

周侍制致樂堂詩

有堂渠在番之區維周壽母式燕以娛渠有堂在番之陽維周壽母式燕以康斯堂何有蘭有芷垂佩榮維周之子斯堂何有有蘭有蕙垂佩申維周之孫曰丞曰嘗孔時且具維甘維旨承于壽母曰寧只福祿凝只升斯堂只我心平只母曰嘉只福祿遐只升斯堂只我心和只

馬氏岩溪齋

何處幽岩下復有清溪瀉霧氣散長林湍聲落平野石宜白鳥憩樹想玄猿把誰獨此安居人云姓馬

山水齋

幽人無世事高臥謝浮名山崦晴時出溪流盡慮行還聞有漁釣相問扣柴荆不掃門前路莓苔滿地生

送道士薛玄卿歸江東

知君此去漸難招，只在人間已廓寥。
市上有时逢賣藥，山頭何處覓吹簫。
仙岩華落溪流滿，鬼谷雲開樹影遙。
未必故山安隱逸，海天涼月夜蕭蕭。

大明殿退朝和周侍制

魏、道德拱羲皇，濟、威儀陋漢光。
日射龍文宮女扇，風傳鷄舌侍臣香。
中霄景氣浮雙闕，下界歡謠動八荒。
詞館小臣何以報，皇圖聖壽與天長。

祖生詩

浦城孝子身，姓祖自憐性。
命如糞土生，纔五歲遭亂離。
有母更被官軍虜，零丁二十八。
春秋母縱得生，何處求天地。
茫茫明月恨，江山漢

漢白雲愁，忽得母書驚。
母在者書未盡，淚先流。
書云流落河南縣，河南南踰遍無由。
見唐州境上忽相逢，白髮蕭蕭，霜滿面。
誰知喜極情轉悲，旁人更問初別時。
千生萬死到今日，始為母子東南歸。
東南迢遞閩山路，入門猶記階前樹。
居人傳說盡相看，鷄黍提携竟朝暮。
祖生母子真可憐，少壯離別老大還。
同時御井被兵者，幾人骨肉能生全。
願生母子長壽考，四海昇平永相保。

孤雌行為郾城節婦作

有鳥有鳥雌雄相，追哺雛未飽，鳴且飛。
雛未長，雄乃死，子亦隨朝暮。
唯孤雌長林廣野，風日美步，不敢離故棲。
燕雀搖颺，差復池迴身側，腦遙相欺。
誰憐孤雌心，到死終不移。
更有許州郾城徐氏母，一生抱恨守空閨。

燕氏救兄詩

千金之子不死市楚人竟殺陶朱子生者可殺死可生千金為重骨
肉輕誰謂平陽有燕氏傾家乃出而兄死弟再死有兄見弟里
閭驚嘆官吏喜嗚呼安得天下之吏廉且循庶政如水無冤民

送華尊師以天壽節奉詔祀武當

靈時嚴漢祠神峰標楚甸羽人丹丘伯承詔馳嘉薦華渚曜玉虹
條風舞玄燕長淮南中馮喬嶽雲間獻涉旬厯峻趾梯空谷弘願授
簡香始升揭虔帝如春天清翼軫動地肅玄武見飛響迴更聞奇祥
靜逾約是有真侶蚤接諸方援胼胝負畚鍤翠蓄雷電金芝產
齋房喬雲冠岩殿祈禱無歲年會節方紛衍既協時君降又樂明
祀徧聖歷齊堪輿豐澤周寓縣還歸報天子獨往奚所羨真侶謂張真人有道行

送馬雍古御史撫喻河西

我皇屬憂頽君子得安居孟春風且寒遺子以修途四牡何翩翩
迴首睇神都我懷正紆鬱殺函忽已踰積雪被長壘萋萋者何時蘇歸
彼蓮花峰上出浮雲衢白日皦以縣下視若玄壚烟塵起西北原野
無定株行者中頽懷居者念其廬黃河洶東流乃自崑崙渠四海豈
不曠切若肌與膚親賢遠逸人古以致康娛君子誠多材乃用在馳
驅秦隴阻閼塞歲月浩已徂鞠躬盡明義足為世所模

送周山人之遼東

物變風已暄庭虛雪猶在每與君子違偏驚歲年改名山先夢到靈
藥隨方采明日望行人雲槎隔遼海

李宮人琵琶引

鄂縣元主簿言有李宮人者善琵琶至元十九年以良家子入宮得
幸 上比之昭君至大中入事興聖宮比以足疾乃得賜歸侍母給
內俸如故因元且乞詩於余遂作李宮人琵琶引其辭曰
茫茫青塚春風裏歲、春風吹不起傳得琵琶馬上聲古今只有王
與李、氏昔在至元中少小辭家來入宮一見 世皇稱執絕珠
歌翠舞忽如空 君王豈為紅顏惜自是衆人彈不得玉觴未舉樂
未停一曲便覺千金值廣寒殿裏月流輝太液池頭花發時舊曲半
存猶解譜新聲萬變總相宜三十六年如一日長得 君王賜顏色
形容漸改病相尋獨抱琵琶空歎息 興聖宮中愛更深承恩始得
遂歸心時、尚被宮中召強理琵琶絃上音琵琶轉調聲轉澁堂上
慈親還佇立回看舊賜滿床頭落花飛絮春風急

題上都崇真宮陳真人屋壁李學士所畫墨竹走筆作

玉京溼水上仙館白雲鄉虛壁數竿竹清風生滿堂微吟弄寒影靜
坐佇幽香有客仍無事澹然方兩忘

集賢大學士趙國公王開府慶八十應制

昭代雍熙日詞林賦頌時 紫宸丹詔出甲第五雲垂 裕廟青宮
裏王公玉樹枝朝趨陪綺角夕侍接龍夔際會真難及飛騰已在茲
暴公初繡斧方叔更藩維霜簡驚風裁天官肅羽儀還迎代邸入竟
被漢文知位望躋三少推衡俯百司每蒙天黼黻直許國著龜鳳斂
廣寒殿龍舟太液池羽觴春侍宴玉座夜觀碁德業前賢繼華後
進推高情晞廣受餘事擬徵珪全趙山河富瀛洲日月遲九卿看綵
服八表表危眉皇覽逢初度殊恩介壽祺黃封中使出玉食尚饕移

國老陳嘉慶李韓公作序羣玉播盛辭禮非前代有施及老臣宜福祿何人並忠貞百歲期 聖心誠念舊政用作臣規

陵陽年景陽以名祖父之子孫負奇材勁氣而与世殊擬自
台州教授入掾翰林一語不合竟棄去不顧以詩為別

奇璞剛之媒娥眉妬之具情、君子心皇、百王度高風集大木日
夜如吼怒不畏枝葉殘但恐本根蠹曉登崇臺上天地一何臣白日
光未吐羣星爛無數仙人五雲車縹緲玉清路區、陰陽恣可望那
可遇忽聞金臺客歲暮仍南去不得与之同頓足毛髮墜

結羊腸詞

正月十六好風光京師女兒結羊腸焚香再拜祀神畢剪紙九道尺
許長撚成對綰雙、結心有所祈口難說為輪為鏡恒若多忽作羊

腸心自別鄰家女兒聞摠至未辨吉凶憂且畏須臾結罷起送神滿
座摧折雜顛顛但願年、逢此日兒結羊腸神降吉

劉承旨父大司徒邢國公慶九十應 制

聖至尊賢遂及親邢公盛事更無倫身躋九袞瞳方碧鬼過蒼年鬢
未銀鳩杖乍頽寧畏噎龍車存拜欲忘身上公建土山河富光祿分
壺雨露頻新木天清雲五色梁園花發月重輪錫宴梁園三宮寵錫驚

析

殊數四座稱觴半老臣瑞錦爛編迎化日兼金條脫照芳春素烟冉
冉晴重上白雪冷、艷曲新先世勲庸歸琬琰名家父子映冠紳三
槐已驗移居日五柳翻如寄傲人澗底桃花曾閱世枕中鴻寶自願
神詞臣欲繼莊生作才薄何堪論大椿

小孤山次韻

小孤山前一迴眸蒼然始識孤山面隔江疊嶂開翠屏絕壁浮雲飄
素練憶昔初蒙翰林諱職舟楫探奇不知倦捫蘿涉級至絕頂目極神
開氣為變大江東匯彭蠡來晝夜崩騰奔海曲鼙鼓遙聞日月動帆
檣忽度乾坤轉舟人不識造物奇但趣急趁南風便登悟微官七載
縛底用區區厭質賤深窗冷壁窗編摩何異揚雄困雕篆重來勝地
歲云暮短景催人疾於箭天昏一火明山半石廬猶疑有雷電彭郎
磯下寒浪湧坐客巨說龍君傳人生可喜還可憐世事堪違不堪惡
明朝匡廬復入眼雖有此境何由羨武城先生獨好事名山每恨遊
難偏豐城客子無一錢但當作詩乞如領

贈別曾編修歸廬陵葬學士兄

孟冬涼風厲謁告歸房陵阿兄在九原歲暮豈遑寧兄昔事武皇

海內希英聲意氣動人主文采何從橫時事一朝異長揖去躬耕
令弟紹芳猷紫芝在承明如何奄忽間南北隔死生方舟發京國日
落烟霧青萬感綠中來楊馬如有懲羈臣惡魏闕一夕免九升君子
思義重况此骨肉情深不可忘悠道路長山川日夕改我行殊
未央稍出燕冀都已涉齊魯疆高天圍四野悵望但茫茫道傍多古
墳塋域迤相當荒草吹北風日夕下牛羊不知何代人於此閱興亡
自古既有死誰能免摧傷死者雖所同私懷誰能已塗路猶感傷况
我兄与弟世俗日衰謝常惧莫能起生者忽若遺誰復哀其死念昔
賢哲人一一去為鬼詩書捐篋笥來當路子披藻廟明庭幸与君
子同劫在弱冠年已獲承其風家本聖門後孝友世所隆何意手足
親一別曠音容及我南歸日舟楫復相從暵寒日高冥厲征鴻

落帆滄江際渺然忽西東努力慎所托無為謾勞躬

寄題臨川西澗范氏寓居

澹塘更西出澗湄堪題流水花間住孤禽竹裏啼石稜苔自合山
徑樹相齊久客成真隱故園應已迷

尋舍弟將至東宇宙野店

歲暮尋我弟山行兩舍餘入雲攀磴道落日及村墟茅店溪邊冷松
林石上踈如蓬武陵客風景未應殊

贈王郎

王郎楚狂士意氣飛秋霜讀書一萬卷下筆數千行富貴視浮雲况
肯矜文章十五恥閭里掉臂歸故鄉夜宿東海月朝買西州航曠目
王公前結客少年場一飲或一石一醉或一觴寧揖屠狗人不与俗

士當千金不易笑歲暮單衣裳阮籍在窮途英聲連四方鸞鵠有時
鍛反愧燕雀翔世無劇孟交不及青樓倡燕趙如花人翠袂黃金璫
不識豪俊士空媚癡与狂王郎遠過我坐我枯藜床終夕無酒飲撫
髀歎慨慷平明別我去極目空茫茫

沈逸人東觀招飲山館

野館青山下晴軒積雨餘招尋豪遠客寂寞莫愧間居空翠沾盃冷殘
雲度谷虛從茲結朋好隨處問何如

畫鴨

春草細還生春雛養漸成茸毛色起應解自呼名

題聶氏陶軒

開軒南山下日對南山雲青松俯前楹秋菊被中園翳脩竹林清

泉出其間歲晏農務息銜蓋樂餘閑時從隣曲游共稱稼穡難達人
貴知已俗士多所亭以茲謝簪笏委心此南軒列植既敷榮佳興日
以餘讀書教見子餘事烏足言

送徐雲章訪舊武昌入京師

乘雲厲鷲風萬重摩高園端淫鼓臣浪豈領九重淵毛生入楚度顏
脫俄頃間察徐公子長嘯起立樊朝辭豫章臺暮匡廬山大帆
割鸚鵡極目空波瀾黃鵠錦袍仙吹笙紫霞端相顧一笑粲青春滿
南天黃金葉高臺更覺郭隗賢聯翩劇孟輩相逐入幽燕平明九門
開劍佩喻五千豈無一字薦傾倒平生言東風杏華開待我薊門前

歸舟

汀洲春草徧風雨獨歸時大舸中流下青山兩岸移鴉啼木卽廟人

祭水神祠波浪爭掀舞艱難久自知

小孤山曉發和蔡思敬韻

日落霞明錦浪翻屋傾石峭白雲間乾坤上下雄孤柱吳蜀東南壯
此閑神物夜移風動地仙舟曉度月漫山回瞻絕頂登臨處空翠冥
濛杳靄間

大信晚泊呈舟中諸公

千家楊柳江當門東梁西梁兩岸躡連檣大艦集日昏縱金伐鼓海
上聞小江更出采石後前人立功後人守大信口花采石酒陌上相
逢莫迴首

白楊河看月

白楊河上看明月昔人曾見今人別茅屋數家河上村化作三山白

銀闕波平風靜棹歌來萬頃冲融鏡面開今夜江南憶遊子空瞻雲
漢上昭回苑，萬里燕齊路北平從橫泰階曙黃河東逝月西流明
月南風過洪去

歌風臺和李提舉韻

萬乘東歸火德開漢皇曾此宴高臺沛中父老謳歌入海內英雄倒
載回湯沐空餘清泗在風雲猶似翠華來穹碑立斷蒼烟上靜閱人
間幾劫灰

題嚴陵釣臺

何事玄纁入里閭羊裘暫脫就安車空令太史驚同寢枕把狂奴視
報書一出聊為天子重諸公莫道故人疎朝廷自足中興士且放桐
江著老廬

題龜鼠食瓜圖

種瓜中國予亦勤止瓜長而實汝則殘止雖則殘止予敢汝仇天實
汝生予將何仇汝食之甘既肆既閑實之食矣無傷予根，存而微
惟予之窮根盛而實惟乃之功

哭信川仙源親徐尊師乃玄教大宗師張開府之弟子也

玄霜擣罷世都遺葛屨蕉衫太古姿天上真人開府日山中仙子閉
門時空林雨過金芝老深谷雲寒白雀飢萬里馳書為永別盧教何
處定相期

送蔡思敬還豫章有懷遼陽李提舉

來日能同去不同獨携別恨向秋風眼看紅葉渾無定心与浮雲併
一空黃獨山中歸自劄玉梅溪上夢先通莫嗤留滯京華者更有遼

陽送新鴻

孔林尚詩

集賢待制周侯能備礼于孔林侍讀學士商公尚之史官揭傒斯詩詠之

峩峩尼山蔽于魯邦爲生聖人維民之綱尼山之下有洙有泗有蔚孔林在泗之深維彼聖人教之誘之凡厥有民則而傲之維彼聖人覆之載之凡厥有民敬而愛之既誦其言亦被其服孰秣其馬于林之側既誦其言亦履其武孰秣其馬于林之下六轡既同周侯之東薦之備之聖人之宮其音洋洋其趨蹌其臨皇聖人允減商氏尚之式昭其敬載瞻載思罔不由聖

壽標山詩一首為吳真人壽朝作壽標山其里山名

峨峨壽山標頌洞雲錦溪百里空翠合諸峯南斗齊臥新月窟桂坐聽搏棗雞臨深測地軸升高徑天倪陰厓覆瓊蕊陽岡敷紫萸縣泉聒空響飛樹凌風嘶側畏猿鳥隨幽恐漁人迷茲山不自高與人作丹梯赤松棲其東玉喬憩其西浮丘前捧擁安期後提携神君領天官出入黃金閨梅花照羽袂天書函紫泥歸期指松標千歲枕未稽食和養靈源伏智掃荒蹊木公与金母大笑彭鏗依

壽王副樞

七袞懸車兩府稀五朝遺老百僚師寒梅看足行吟處舊史評來坐歎時身退已將心共遠名高轉覺世堪遺且陪嘉客霑春酒政待武公歌抑詩

李將軍歌一首送李天民赴邵武軍口巡檢

李將軍材且武儒冠換得瓊螯去身疑南極老人星氣食陰山雪毛
虎雕弧白馬金僕姑天地昂。此丈夫五十方為求盜使人生何用
若詩書寄言卻武諸官長不是尋常一腐儒時中書以吏部儒選員
多有十年不得調者奏
以為閩廣諸道巡檢然多非其人而
天民式稱是選老人星其常自喻

題桃源首

江左龍虎山南十里有桃源者劉王二尊師所辟也臨江范梈父為
之記余為賦五言詩十七韻

桃源非一處龍虎席區雜同內外閑踰缺高低石作叢黃籐青劍北紫

蓋白雲東蟾影當霄迴蛾眉抱月弓六峯名千里藏曲折四面削虛空

地戶吟風黑天地浴日紅雪霜翻濺瀑雷雨瀉崩洪暗識猿啼遠晴
聞鳥語工危龕三井秘絕澗九橋通江合仙巖怒山連鬼谷雄劉王

開闢後秦晉有無中時見者桃侶頻逢採藥翁丹臺寒漠漠琳宇氣
態濟勝非無具緣源恐莫窮烟霞俄變滅草樹香龍葱四序何勞
誌羣愚倘擊蒙誰言武陵近十里上清宮

送人歸豫章

積雨霖徂夏故人今日歸手持毛生檄身著萊公衣玉樹挂秋月丹
黃揚曉暉東湖徐孺子應恠久相違

送王宙守宣慰荆湖

舟楫連檣出薊丘弓刀千騎入荊州歌翻郢雪寒暄變恩逐岷波日
夜流雲雨暝連神女宅山川晴繞仲宣樓豈無賢士堪招隱應向鹿
門深處求

題張尊師畫

晨登翠微天氣穆清白雲覆谷飛露垂纓孤猿遠響衆鳥嚶鳴牽蘿
涉澗穿石度陞半岩華氣萬壑松聲神宮漠漠靈戶熒熒投陰迹影
叩窅求鷹素疑老人笑而相迎弗問弗承悟彼長生玄玉流液瑤草
結英浩々耕泉出興川平宛彼下人望我巖扃

送播州揚宣慰潘

祇奉綸言出夜郎恭陳壤奠入明光嘉名宣賜黃麾外大宴恩
陪玉座傍天仗影移位日月宮懸聲動下鸞皇三呼拜舞君王
德永工藩臣守四方
雙旌遙指洞庭西十乘聯翩度五溪龍帟親軍兼使節大狼諸獠入
封提光昭廟祐恩波遠風動藩維禮秩躋北望五雲高魏闕亦知憂
頽在黔黎

寄題括蒼王氏東野二亭

畊雨

時雨布嘉澤羣物盡欣豫晨興集童僕東野從所務鵠鶩應候鳴鷓
黃翔高樹衆草萋以出沐潦被行路龜勉勤微躬寧復當世慮義農
不我侍沮溺諧所慕食力隨齊民常恐負空素眷言狗茲道卒此年
歲莫

心遠

窮居豈余志無營得長閒醫翳三畝宅頽樂彼南山灌木何蒼々雲
鳥相往還已絕嬰世念况接仁里歡但願黍稷登春酒恒慰顏羲和
緩其轡萬物悠然安

寒夜作

踈星凍霜空疏月濕林薄虛館人不眠時聞一葉落

送唐尊師祠武當

龍衣分香下絳霄羽衣承 詔出清朝星臨翼軫南垂潤神降虛危
北極遙金殿壓雲開紫氣玉臺和月合笙簫著壘更為吾 皇祝下
國時豐雨露饒

送唐尊師歸廬山

香爐峰色紫生烟一入京華路杳然雲碓秋間春藥水雨犁春臥種
芝田書憑海霍來時寄劍自潭蛟去後懸忽報歸期驚倦客獨淹微
祿負中年

贈溥貞子

蕩、白玉京超、溥貞子十一求神仙服事丘蕃李嵩洛三十載結

茅白雲裏食是賜谷霞飲至玉池水鬼神莫能識百念吹不起一朝
忽騰化徑去不可遶飛駟服五龍角巾搖三花朝發扶桑國暮宿河
漢槎朝食千歲桃暮食五色瓜長揖青牛君高歌渡流沙還憇金陵
卽調笑許史家日食五侯鯖安得厭胡麻春風長安陌落日邯鄲道
迎人上青天送人入秋草竦身八極外天地忽亦老寄謝區中人全
真以為寶

孤松篇壽王大學士

大地凍欲裂孤松高穆清橫睨秦華嵩俯察蓬瀛天風四浩蕩身
與元氣并根深本自固霜雪空崢嶸白晝甘露降半夜朝陽升飛枝
蔭扶桑勁氣摩挲搶羣鳳所託命百鳥徒嘲鳴冥、廣寒宮丹桂亦
虛生八萬四千人何時月常盈維此天一柱千歲所養成自非堯舜

君工垂烏敢微漢武作建章千門照西京掄材當此時餘柯了棟楹
天地既有此未必終無情蒼、歲寒心永世仰堅貞

過何得之先生故居五首

可憐古井門外依舊鐘樓屋西何處高吟痛飲黃花翠竹都迷

先生有詩云一井當門凍寒光照四隣又我住東街北鐘樓在屋西

心事巢由以上文章陶阮之間千古高墳保下白雲明月青山

軋、机聲日莫依、楊柳春柔却下中郎小女曾聽唱我高郵

先生常喜余高郵城詩相見即呼高郵城來每相對酒酣則朗誦數過

頭上烏紗分贈篋中縞楮相酬不道別時長別誰知愁是真愁

延祐五年冬十月余南歸以中材一段見贈予以白楮被報之別時殊黯然也且手書其三代名字授予若有所屬然也

屋上青天未老門前白日常新他日答夔稷高安知不是斯人

送譚仲章歸長沙

君家雲陽下忽向雲陽歸行路有南北看山無是非三湘迴雁盡孤

劍白虹飛亦欲投簪去從君采蕨薇

我、亭詩

殷仲堪答桓温曰我与我周旋久寧作我宜春黃元瑜取以名其亭

曰我、為賦詩一首

我游于表于龍之于有闢闢、有環言、有構桓、堆集之安我居

我處我笑我語有翼其所而敢予侮我植孔嘉我構孔華曾莫之迎

而莫我多彼馳者子亦孔勞矣玩我觀矣亦莫我速矣嗟殷氏之口

猶弗桓是友我不我友將誰歸答温、其蘇冽、其清藹、芳、煥

煥其明 維古之人尚或干起

送鄭司獄歸衢州却赴調京師

壯年執戟事明君，一日上書天下聞。
不恨棲遲百僚底，猶堪激烈萬
人尊。爛柯山遠迴孤棹，析木天清望五雲。
盡說于公有陰德，掉頭相
別大江濱。

題山水

野艇來無數，山橋渡有三。
寒雲依古寺，落木帶羸驂。
迴首重尋處，堪評生雙眼。
力江北復江南。

題御馬首

朱纓金絡響黃帕，錦鞍鞞神閑。
意更遠，初下赤墀前。

題山暉高為劉尊師作

陵岑毓神秀，草木咸光晶。
每覽雲景異，變態如有情。
閃掩乍如幕，飄

浮忽相縈，熊羆轉空曲。
奕連僧成，中有幽人居。
燕坐朝玉京，窮陰
六朝徹。無月恒夜明，碧桃千歲花。
金芝四時榮，猶疑地愛賢。
隨物弄華英。

題臨江同知閻流民事蹟

江北流民七十口，三十餘年在江表。
朋凶結惡四百餘，白刃差歷
村保崩騰所向如。投空白晝攫金都，
市中項由南昌入。豈邑反賂守
者為先容，長官坐堂寇入室。
妻子莫逃况金帛，豈無鄉民敢相敵。
長官一揮翻辟易，臨江戴守廉且武。
手縛其渠，散其伍。豈惟鄉民得安
堵，鄰境聞之皆鼓舞。舞其渠在獄，
伍回歸大府。上功民俗熙，乃知一念
敬厥職，萬事至雜皆可為。人民社稷
我所有，安得坐視如雜狗。人在
雜狗猶愛之，民社豈在雜狗後。
請君看取臨江守。

寄題朱氏真村堂

深居魏亭北，悃悞自無華。風俗似太古，生涯如小家。飲醇猶恐過，衣帛尚疑奢。相與鄰人異，詩書有三車。

送人從軍

妙年好文仍好武，一旦從軍氣如虎。弯弓已作滿月圓，拔劍更逐迴風舞。悲茄四起旌旆愁，蒼山偃蹇黃雲浮。陣前手繫降王頸，馬上仍懸猛將頭。復讐義大身命小，順天將軍古來少。一戰功成六合清，不用黃金印如斗。

題淵明歸去來畝

清江皮使君，治南恩有惠。政一日自免去，而歸老烏廬。陵王實初賞，其高節以淵明歸去來為求。中朝學士大夫賦詩還以為壽，僕用其

意賦五言一首

吏事久見牽，山澤曠遊盤。茲辰理還策，乃得從所歡。悠々川塗迴，忽已造郊園。風景一不異，鄰曲皆舊觀。童稚識人情，奔走向我前。荒草雖誕漫，松菊了不干。瞻烏循初服，常恐負昔言。入室多美酒，步庭嘉樹繁。曠然心神舒，誰謂世路艱。出處各有道，既倦當知還。方春農事興，念之每忘餐。貴賤豈不殊，樂此農圃安。堯舜垂衣裳，巢許箕穎間。漢租除暴疾，秦黃綺在商顏。彼皆賢達士，今古胡不然。永與簪組辭，婆娑養餘年。昔聞陶彭澤，今見皮南恩。千歲仰高軌，茲圖良足歎。

揭曼碩詩卷之三

題明皇出遊苗應制

明皇八駿爭馳道，還是開元是天寶。
長安花發萬年枝，不識韶華醉中老。
奎章閣下文章靜，冕旒端拱唐虞聖。
此圖莫作等閑看，萬古君王作金鏡。

畫鷹

文梁五色條秋高，意氣豪怒張兩目。
直霄漢，豈與短翮翔蓬蒿。
妖狐畫作猛虜，嗥弱虞并與神麟逃。
嗟爾飽食心空勞。

題張使君棄官學道詩卷

至元天子朝萬國，任丘使君謝病歸。
門前未罷車馬客，身上已著朝真衣。
致君堯舜在豪傑，洗耳巢由是非棲。
雲觀裏青松樹，唯有白

雲終日飛

登祝融峯贈星上人

洞庭南桂嶺北衡山連
延瀟岸黑中有祝融如結髮
嵯峨七十二峰間
祝融不自知千山萬山自迴環
迴環面芙蓉起祝融正在芙蓉裏
儼如天仙朝紫皇千官百辟遙相望
半夜每瞻東海日六月常飛滿樹霜
龍擘鳳攬熊虎躑雲山霧滅何時極
我來正值太平時有山僧似疇昔
憑高一覽四海空草間培塿安足雄
盤羅漢臺翁炎帝宮復恐九天止
視我猶井中朔風日夜相騰蹙
谷老崖堅松柏秃古來鉄瓦盡
飄揚山上至今猶版屋山僧勸我歌
我歌後自傷天下五岳嵩中央此山
與我俱南疆我今三十始一見北望
中原天更長

送何太虛南歸

窮秋乍到深冬別來已俄然
去忽然學士已分脩史祿道人特送賣丹錢
單車欲發無三日幾處同行可百年積雪堅
冰愁客路徐州城下便通船

憶昨四首

天曆年中秘閣開授經新拜育群材
宮門待漏常先到講席收書每後回
召試時蒙天語勞分題不待侍臣催
滿頭白雪丹心在太液池邊只獨來

宮草蔥茸禁樹齊日趨延顙對凝暉
朝迎步輦花間立暮送回鑿柳下歸
碧殿東浮蒼巘合金河北引玉泉肥
紫迴弘慶門前路春氣濛濛欲濕衣

已、羣儒映壁奎瑞陽侍燕室慈西線分學士親臣送詩賜皇姑御
手題注酒含春瑤露重承塵轉午錦雲低日斜共出西門道既醉猶
能散馬蹄

奎章分著隔窻紗不斷香風別殿花
苗守日頌中賜果宣徽月送上
供茶諸生講罷仍書直學士吟成
每自誇五載光陰如過客九疑無
處聖重華

題李安中白翎雀

白翎雀白翎雀每見灤河、上飛平土未識百禽性不敢龍向江南
歸

寄題胡文園趣亭

日與世情遠學人聊治生畦蔬多品類樹果各生成野老過偏數山

禽近不驚詩書吾所好農圃也須明

題文瑞園

常德之龍陽居多蜀士祠事梓潼君甚嚴祠前有池曰景星成淳癸
酉蓮兩葉並蒂者六劉初登進士第延祐甲寅兩花並蒂孫以忠登
第天曆己巳華如甲寅城東三雅湖蓮復三華並蒂海魯丁獲口獨
步丁馮天澤聯貢而獲獨步丁登第好事者罵以為高邈余賦詩
蓮花復連葉並蒂更連華並葉已不見三花兩花更有情如何與人
作嘉瑞偏向龍陽水底生龍陽家事梓潼君花葉梓潼神好在
龍陽士汝但讀書更積文為華為葉汝莫

題南頓孔氏復明詩卷

夫明非有故復明還自然方其夫明時萬事俱棄捐外雖無所睹內

則常淵、如未嘗有目不喜亦不憐如明失地中明未嘗不全道遙
天地內如在天地先不助亦不忘一氣自周旋不敢計此生敢計時
序遷剝乃復之始自坤還至乾忽如浮雲散還我蒼天昔非果失
之今亦固有烏如何孔氏家母子仁且賢先後俱失明其復皆十年
十者數之終如月晦必圓養之苟有道何疾非所痊願言永保之毋
或忽此篇

奉同柯博士廿內掾下直賦

暮出閭闔門解鞍坐前庭冷、草露白華月隔林生蟋蟀舊哀響鴻
雁流遺聲常恐芳景晏不知寒節并萬物肅將斂孤懷徒自盈投矜
激長謠淒泊諒難徵

賦得海上雲送良上人歸徑山

蕩、無邊涯悠、何所之孤飛若有意羣往更無疑稍拂樽桑樹還
經若木枝迎陽成五色乘陰忽四垂作態離仍合多情去却追因風
過別島和月下蓬池且任逆龍去寧知到岸時惟應學空者澹泊與
相期

吳子高悼止歸岳陽

都門落葉滿遊子去京畿忍聽離鷺操遙逐秋鴻飛愁霜曉入鏡淚
雨夕沾衣烟樹黃河畔風帆采石磯平沙迴渺漫寒宇暖熹微客心
閑轉切鄉書近却稀夢聞兒女泣行將童僕依竊慕漆園放誰云潘
岳非乘濤慣不險迴江望若圍武昌未易到更向岳陽歸

秋夜作

露下氣逾肅月高寒欲流落葉階前樹踈鐘城北樓衰年對急景歸

心臨莫秋當世非無意才薄徒淹留

進士張于高得邛州判官歸成都

邛竹山前負弩迎去年曾是一書生天寒劍閣枕車馬雪滿繩橋正
甲兵即恐徵求民力竭莫將憂患客心并六千餘里關河路不盡深
期遠別情

題陶淵明歸興尚

家貧無酒飲聊欲試弦歌去家百餘里邈若異山河江上日多風浩
浩水增波門前五柳樹餘蔭口婆婆秫田已收成歸計當如何

寄題傅尊師兄弟所作寧壽道院

鍾榮之山千萬峰琵琶塵湖相疊重兩翁入谷起臺殿半夜空山聞
鼓鐘猛虎時逢澗邊石飛龍却是雲間松黃庭書罷人難見鴻室披

殘手自封度壑采芝隨鹿跡登屋望日躡雲蹤已知塵世惟堪笑不
是神人定少逢辟穀有方桃更美園基無地橘相容但餘一念封人
祝未與人間萬事慵

二月朔日雪中題歐陽少監所藏宋好古畫竹

晨朝下延閣貽我翠琅玕微霜著節勁細霧入林寒欹枝偏稱遠壓
葉更宜攢孤石覆逾潤橫波晴不乾况茲春雪裏相對五雲端誤當
裁汗簡誰擬截漁竿惟應湘浦上歸共出人觀

雲錦溪棹歌七首

雲錦溪中雲錦鮮好在高秋八月天西蜀錦江那得似西湖綠水更
須憐

纔過浮石是藍溪上青山高復低山中泉是溪中水尋源直到華

山西

藍溪南去到藍洲水應薪石不流迴望朱管日霧裏白雲深處更
高樓

宮前禁浦白茫茫岸上人家不似牆能到此中還有幾行人莫厭棹

歌長

揚金橋望玉真臺下橋頭人往來崇文宮裏看華去安仁縣裏賣

新四

把仙亭下薛公橋紛紛拉幕更連朝惟有橋西楊與柳無情長擊水

蘭橈

溪上層雲錦山垂楊盡處是龍灘不是孤舟來逆上何人知道世

途難

御書雪林二字賜趙中丞應制

聖主揮毫臨秘閣親臣執灑坐崇臺祥雲五色從天下彩鳳雙飛映
日來政欲清如林上雪已聞聲奮地中雷君臣千載明良會只尺
微垣接上台

題胡虔汲水著部高應制

沙磧茫茫寒草平沙泉下馬滿囊盛曾於王會園中見真向天山雪
外行聖德只今色宇宙邊庭隨處樂農畊生綃半幅唐人筆留與
君王駐遠情

題羊澄蓮花觀音像應制

至人不可測宴坐青蓮華珠纓被玉體白豪口口從何得此相來
置玉皇家

杜節婦詩

結髮事夫子長言兩相期語晏方如變生死遽分離室中無長子堂
上無翁姑生計日蕭條誰分心不渝良馬不亂羣仁鳥不亂行昔者
為夫婦今恐遂相忘生為董家女死作杜家婦安能若流水東流復
西注春秋陳時祀蘋藻宿所共一朝祭無主烏得不忡。灼。庭中
花落。俱為寶賤妾在空閨志願從此畢

題內府畫四首應制

韓滉土星像

五行土居中百獸牛有功土行降為神騎牛鬚翁。有土復有牛惟
神賜年豐誰知韓滉意政與皇心同

曹將軍下槽馬圖

曹霸畫馬真是馬宛頸相摩槽櫪下卓犖權奇果如此豈有世上無
知者朱絲不是凡馬韁天閑十二皆龍驤魯從天子平四方圖仿
佛餘驪黃華山之陽春草長

韓幹馬

韓幹画出曹將軍幹惟画肉猶逼真昂藏回顧欲飛去老奚安知馬
有神想當此馬未畫時朝刷吳越莫燕秦頓響長鳴風動地不數驂
留与騏驎當時用舍那知許粉墨蕭條尚雄武千金駿骨何足論萬
世長留羣玉府

宋徽宗成平殿曲宴蔡京圖御画御記

東京諸蔡滿周行延福成平樂未央十畝松篁籠玉殿九霄風露濕
霓裳君臣契合同克舜礼樂光華邁漢唐明日圖成仍作記千秋留

与監興亡

送秘書李道濟赴峽州幕

蓬萊道山芸閣裏赤甲白鹽蓮幕中十載同朝君獨去三年佐政我
難同大河水滿中宵雨鉅野樹涼清曉風夷陵江頭幾日到迎親應
先南飛鳥

奉送全平章赴江西

聖主思南土明公起集賢直期凋瘵後共致太平年金虎分符重文
龍賜服鮮權綱兼將相標格近神仙天地三江外星辰北極邊丹心
齊出處素志在陶甄請述江南事都非大德全但徼扶弱美竟坐抑
強偏無復同憂樂徒令舞智權平時吹渤澥暗室仗戈鋌貪黷明相
訓忠良默自憐民心隨日壞世態與時遷况復兵飢接仍聞疫癘纏

誅求殊未已蠹賊轉相挺若擬寬憂顧先須解倒懸久飢寧擇食多
病但求痊一語堪懲勸微機足轉旋已知平似水更道直於弦遙想
聞公志渾如望歲然九重天上別百丈霧中亭日月明金節山河入
画船四方初息馬五月正鳴蟬豐樂田多黍生香澤有蓮岱宗標魯
地廬嶽壓湖水恠收崩浪山靈掃瘴烟歡呼麟鳳出踴躍吏民先
笳鼓趨雄鎮旌旗覆廣川下車和氣應袖手頌聲延膏雨侵淮甸仁
風扇海壖忠貞真世篤調變有家傳赤子皆同體蒼生且息肩龔黃
須警策方召在蕃宣

題青山白雲圖

蕭索青山曉迢迢白雲生衆樹春已暗高原人未耕方思看桃去復
擬采芹行深谷無机事白髮枕松聲

桃花鸚鵡

嶺外經年別花前得意飛客來呼每慣主愛食偏肥才子憐紅嘴佳人學綠衣狸奴亦可怕莫自恋芳菲

趙孝子

廬陵趙孝子四歲父行賈一去三十年家惟大母。大母已云沒而父行不歸兒長亦有婦母子聊相依從父自北來汝父久已死母子哭且問父死何鄉里聞汝父死時不知汝父處汝但欲往問京師多舊故再拜別阿母行。至京師自念不見父兒死無歸時乃有曾老者往昔與父善言汝父死處濱州利津縣徒跣二千里薄言至利津朱琪張文輩一一陳所因死以某年月墓以某木棺姓名某所題近在城南端城南冢壘。駭然榛莽中極目千萬塚能誰識其蹤行哭

七日餘欲死不得所生者無由知死者豈能語解髮繫馬鞍負之墳墳過吾父倘有知髮解鞍自隨俄至一墳前鞍隨髮自解開墳見前和題字宛猶在既見父姓名痛絕心始安函骨陳野祭禽鳥聲為酸隣老四面來驚嘆未曾有相帥報縣官縣官駭之乃即日上大府大府咸異之次第聞中朝行子正南馳行子行且傷哭踴如初喪路遙山川阻何時至故鄉故鄉既云至葬祭無違禮母子永不離萬事若流水聞者盡稱孝見者皆感泣期尔百歲昌望爾百禄集兒今一無願。母長不老歲。父墳前灑飯墳上草

題姑蘇陸友仁所藏衛青印

白玉蟠螭小篆文姓名識得衛將軍衛將軍今何在白草茫茫古時塞將軍功業漢山河江南陸郎古意多

廬山連尊師求真陽詩久諾而未作也一夕夢中得之因書以贈

稽山之漫不可滅焦石之烈不可絕香爐峰頭按羽節滿山桃花滿湖月

贈項鍊詩

吾聞有一士邈在吳越間騎席滄海上茹芝天台山年約四十餘七里布其冠燕趙雖曠絕倏忽一往還樵子常見之徑去不可攀又聞好賣藥往在市闌疾者得寸匕立欲生羽翰吾常慕其人咫尺限河閩道書讀萬過不如一承顏弱至揜昏氣卑逐王官何為浪自若食息於人裏

送鄉人祐上人從師歸當陽

學道玉泉寺從師天子都流年春事半歸路客帆孤山勢遙連蜀江聲不入吳故園如可到種芋有遺區

送蘇尊師歸茅山

華陽隱居者聞復有蘇仙時向梅花下高枕石頭眠劍匣出飛電琴心流暗泉閑來京闕下夜夢雲邊

寄題張齊公廟

東安猛將張齊公十八奮父軍囚中至元召募起亡命父子南征收奇功酒酣一躍馬上立拔劍四顧奔雷風十年轉戰江漢上萬里直挽安南弓乾清坤夷四海一勳在旂常心帝室身封萬戶傳子孫誓不偷生汙天秩天下豐盛大德年天子明聖宰相賢小臣劉深射功利上疏自薦能開邊鬼方寡婦號八百嫂井操戈自爭國劉深一

言取大官遠帥官軍臨險阨五溪運糧數萬家哭殺震動湖南北發
徒開道徑折節既勤其民大求索斗量金珠谷量馬谿壑之欲安可
塞此時張公亦在行捐軀力諫皆莫克折節薄險伏四起劉深夜遁
張公死鳥飛不度山川愁坐看英雄化為鬼乃知自古守邊鄙大忌
邀功貴寧救張公廟食東海頭劉深梟首壘烟裏張公世為忠孝門
劉深萬年穢青史兩家同死不同心試與題詩作臣軌

題呂安中白翎雀

白翎雀白翎雀每見漂河，上飛平生未識百禽性不敢籠向江南
歸

寄題楊教授菊莊

婦人種菊處乃在東海涯幽香發清真正色間奇葩百種猶未慙千

株寧足多寒分石橋月晴通赤城霞特起表陰祀羅生騁陽阿門巷
掩蒿萊荒徑絕經過飲露咀其英孰知年歲遐

番禺蕭性淵携其祖將領所愛唐琴號霜種者還自和林求

詩六月三日五門宣 赦後作

嵩州昔有蕭將軍讀書學劍天下聞南隨龍馬渡江去尚有孤琴傳
子孫孤琴云是唐人斲昔日軍中自行樂至今猶存殺伐聲一鼓哀
風振窳廓將軍之孫才且良文能作賦武能張秦皇城下飲白馬祈
連山中射白狼時平好文不好武抱琴却歎儒衣誤昭王臺上看青
春彭郎磯頭夢歸路日長史館幽且閑正冠拂琴為我彈京城六月
日如火霜鍾半夜鳴空山南風自有虞廷操可惜同心不同調捐琴
決眼望青天今日 天門有新詔

送王伯循編脩赴南臺御史

朝辭禁苑暮南臺
駉馬翩跹道路開
伏邑已知為治最
經邦正賴濟時才
人情好惡非相遠
民力凋殘實可哀
鵲鴉秋天須搏擊
郊原恐有鳳麟來

寄題鄴下樊氏鍾秀園

鄴郡雄地理樊氏好園林
庭戶花陰合池臺樹色深
佳時惟飲酒永日自彈琴
車馬如相訪流泉可洗心

題廖氏皆春堂

時清日月明心和
寒暑平東風扇萬物華開
語流鸞農興水泉動蠶起
桑柘榮牛羊被原隰麟鳳
在郊坳少者擊壤歌老者
鼓腹行不知天壤內何物
異吾生常願天子聖四海
無苛征夔龍滿廊廟蕭韶
歌

九成

大駕既幸上都率 奎章諸生之留京者讀書宮南史館中
得大熱疾勢危甚頃君子虛視之一藥而起為賦五言一首為謝
天台項子虛乃是列仙僑賣藥都帝中疑是韓伯休欲見不可得不
見忽相求神清骨秀聳蒼松倚丹丘又如霜空月下照千丈流時有
揭子者臥病城南陬馳往施寸匕大暑生清秋人言死復生仰視行
雲浮長揖忽不見思之生白頭

周氏教山驛水木清華亭

周家亭子教山上
斷隴連岡紫翠開
晴日捲簾幽鳥下
微風倚柱白雲來
松間漁艇時俱放
竹外樵歌晚獨回
只尺紅塵車馬地
已知弱水限蓬萊

題趙照磨虛舟

剡水作孤舟乘風到處遊寧求觸無怒政用載能浮歸共唯明月行
隨只白鷗浩然江海上何懼復何憂

送毛真人還龍序山

手館銀章主秘祠翩然歸去忽如遺塵湖龍升雲間上鳳曲鸞歌月
下敲香逐蘅薇深更入氣交梨枣靜偏宜南屏風雨平坡雪爭似山
中夢覺時

南屏山在上都南七十里歲危後至上都夏秋居焉平坡
在大都西四十里西山之上冬春居焉蓋皆所掌秘祠所在

故中憲大夫嶺北行省左右司郎中蘇公志道哀詩

蘇公廊廟姿推擇起為吏論議動引經舉措必由義惟時方大旱謂
谷在寬滯決獄天乃雨凶年化豐歲流聲滿山西憲府立羅致慷慨
平生懷遂依宜指使受命安邊鄙正色行使事邊臣既威服使亦免

顛躓六曹收雄材兩府資遠器激昂天下事往見謀議十載拘掾
曹弥年困文字雖云富匡贊豈足盡材執一命創省僚旬稽得深獎
銓選班爵冗出入錢穀細並緣出多門穿兀肆姦利有如水上海驅
去還復至因風一披蕩整得免蒙醫再命主賊曹持平獨不蔽恒求
情中實勦究法外意功罪必誅賞善惡俱惕厲三命恭宥密令聞蓋
昭晰和林誇大漠肇造此根柢東際澣海頭西控流沙裔北窮陰山
外南倚兩都勢連營列萬里倉庾千萬計鎮以磐石宗重以分省寄
憶昔大德末成廟方厭世桓、忠獻王功大更多智武皇既踐阼
宮闕始清闕越却矜微勞寵極心乃異國有社稷臣諂巧惑聰睿遂
輟股肱任往重藩屏繫有威如雷霆有恩若元氣畊鑿比中上什伍
相錯置士志遠成苦民見太平治道路無拾遺商旅畢懷惠忠獻一

朝沒 武皇六遊棄駿尋延祐中權相擢天位磨牙吮人血掉尾恣
狂獗賊骨由親迫遂見危墜天人共震怒降災及茲地大雪深丈
餘人馬相枕斃重為朝廷憂夙夜摩寧志除吏超五等聞者盡驚避
蘇公拜郎中即日辭 九陛厚祿非所崇高爵非所貴彼民六天民
安得皆坐視兼程到官所發廩急周濟死者何嗟及存者再生遂閤
閤漸蘇息竭力補黥剝飛書 九重天請為兵民備募粟實塞下慎
勿憚勞費 天子賜問勞名王致金幣至今賴長策當時已多忌如
何方賜環及 國竟長逝都人走相哭行子為歎都崩騰翔風迅恻
澹浮雲曳蒼松拔其根黃鵠鍛其翅幸哉有令子名已注簡記千秋
常山下豪傑一揮涕

題羅稚川所函臨川羅益謙溪居高

遙遠臨川郡泱泱元獻里溪上君子廬閉戶青林裡連山烟景晏斷
岸寒沙靡日暮孤舟還荒村隔流水

寄題武寬則湖山堂

祝融九千七百丈六月飛雪灑洞庭彼興學者武寬則石鼓齋中窮
六經氣橫瀟湘波浪白思入蒿華烟雲青四千餘里到京國倒插五
色鳳皇翎河西猛將今太尉一見握手坐黃庭五呼愛子俾受業豈
独汝學我亦聽後肩席頭日待側長刀大劍羅青瑩動陳忠義破肝
胆衆目眩暘開心扁丈夫事遇豈偶尔縱不我聽我則寧嗟予官冷
材力薄每辱奇俊哀矜緝天晴風靜輒過我如病得瘥醉得醒不為
湖山勞夢寐不為富貴疲心形始知卓識出天性豈彼拘苟蠅營
方今夔臯滿廊廟 洪恩屢降無濫刑長材用世何不可大夫列卿

如拾螢君如得位五行志慎勿學我室星。我今老矣何所稱白雲
深谷寒烟汀

十月十八日夜南郊齋宿夢先帝召見便殿手賜橘花一枝有感而作

淚盡烏髭不可攀傳宣忽降白雲間天華拜舞君王賜夢斷齋廬月
滿壇

寄題上饒鄭氏南莊

上饒多隱者鄭氏善為方移居倪陽里種菊今成莊近取徧吳楚遠
求至帝御品類百十餘顏色不可常漑以玉井泉樊以柳与楊晨
興即造之不憂露沾裳有時忘飢渴餐之以為糧門無催租吏家有
白玉郎花前撫鳴琴花下列壺觴興至輒痛飲眾臥其傍自謂得

菊趣不知与菊忘但恐秋景晏餘露結為霜益盛虛室中虛室仍面
陽重簾護夕氣踈牖逗朝光亂以青蒲水石儼成行重得隱者心不
辱桃李場玩物為足計歲晚託餘芳

題四清齋

一清曰王右軍平生富事業獨以能書聞遂令吳越士至今學者猶
然于嗟乎王右軍

二清曰軒轅彌明偶然吟石鼎狂恠使人驚遂令韓吏部至今安得
狂恠名于嗟乎軒轅彌明

三清曰玉川子志窮吟月蝕天高叫欲死獨得對烹茶婢白頭赤脚
老無齒于嗟乎玉川子

四清曰林和靖周程明聖學韓范輔王政袖對玉梅花山色湖光臥

相映于嗟乎林和靖

題新安許氏蘭秀軒

蘭生兮深谷漱流泉兮蔭喬木綠葉兮披玉幹兮紫蕤植之兮堂
下播芳馨兮菲之菲兮揚之思君子兮高堂撫琴瑟兮會友嘉者
必兮薦芳襲芳兮佩秀宜君子兮多壽

夢題墨梅

霜空冥冥江水暮江上梅花千萬樹無端折得一枝歸一雙蝴蝶相
隨飛

寄題永豐劉氏暖翠亭

孤亭萬竹中危坐自生風近与山光合遙連野氣通鳥啼深不見泉
響靜偏聽東帛休相汗先生道未窮

雞山俯鷺溪亭子西堂流水芙蓉合陽林竹樹齊
客自中携萬事俱塵土誠成手自題

寄題新州德元觀何真人林園長春亭

長春亭樹倚雲開百里湖山入座來淥水繞階時自照好花如幄手
親栽青雲每指尋真路白髮頻登望母臺墓在前山六月神龍起潭井人
間幾處待風雷

題信工人春蘭秋蕙四首

深谷暖雲飛重岩花發時非因采樵者那得外人知
孤芳不作幹奕葉自含滋白石蒼苔路落花流水時
山深風露冷何處有花開直入雲林去香沿石澗來
幽藪不盈尺空谷為誰芳一徑寒雲色滿林秋露香

蔡七祖真人得朱文公所書讀書二字以名其亭請賦

令人題過古人書孔李通家意未疏萬箇猶堪栽竹晚百園曾見種
松初黃廐義容滋心得白髮身閑對客梳近有方平消息否紅蓮成
碧藕成車

送陰陽蕭教授赴瀏陽

青草茫茫接洞庭瀏陽江上好談任遙瞻紫蓋為南嶽仰見長沙是
壽星日晏投書招楚客夜闌鼓瑟感相靈下簾高坐金錢滿騰買益
梅寄在近

賦得春雁送張郎中省覲揚州

東風吹歸雁離心翔天側朝發衡陽浦夕過陰山磧嘹唳浮雲中萬
里才一息眷言思親者相望有南北

送聶太祝赴湖州錄聶天曆潛郎舊人

三載從容禮樂間仙曹新拜度梅閑春風忍過金陵道夜月重經黃
木灣盜賊數州相應起甲兵諸道歲時遠憑君細講安民策莫遣邊
防一日閑

題俞氏看雨軒

泰澹米何處崩騰忽滿城遙連四山里近灑半江明可愛華閭濕偏
宜竹上聲中宵未可住高枕寄餘情

題江道士消虛館

遺跡極玄覽宴坐白玉京日月朗朝夕河漢流無殺丹：兩玉壺瓊
吹紫鸞笙下視九州浮以四大瀛萬劫猶一瞬逍遙樂太清

賦得吳歌送人歸吳中

三月酒如漫高堂
絲竹停繡筵
雙鳳影珠箔
亂鶯聲疊簷
紅牙拍
辭傳金縷名
綵雲低不度
芳塵暗自驚
花發長洲苑
日照闔閭城
且奉千金壽
寧忘萬里情



揭曼碩詩卷之三終

揭曼碩詩續集卷之一

所藏遠山圖

蒼兮遠山飛瀑兮潺
思王孫兮未還蒼兮
遠巘飛瀑兮偃蹇
思王孫兮未返白石
之上青松之間上有
飛雲下有流泉悵王
孫兮留連兮何極望
青山兮使予太息太
息兮予憶思王孫兮
如玉

題陳氏松巢圖

雲英兮承宇松庚兮
分在戶問此何所兮
廬山之陰大江之澣
雲可衣兮松可巢君
何為兮不來予何為
兮延佇山則有薇水
則有魚君歸來兮予
與女同居

題新安許氏蘭秀軒

蘭生兮深谷漱流泉
兮陰喬木綠葉兮披
玉幹兮紫韃植之兮
堂

下荆芳馨兮菲，菲兮揚。思君子兮高堂，絃琴瑟兮會。嘉有
必兮屬芳，襲芳兮佩香。宜君子兮多壽。

桂林歌贈明秀才

遠望兮桂林，鬱蒼兮兮窮深。去無兮，期。楚君子兮勞，我思哉。

今明月桂偃塞，不可擬瞻。揚州商風發，君思我兮。
湖南憲使盧學士移府轉類自中使武昌居不

肖姓名先春寄三省歸穎

昔賢懷出處，到處非一端。冥冥鹿門，東陵園千載有其人。常
在羈旅間，鼓予欲從之。路危不可行，晨興命徒旅，驅車出重門。

此時嵩洛原浮雲，數千里悵然迴我轅。東風起兮空郊草色一
何鮮，百鳥縱橫遊孤鷗。摩可寫短意，誰能傳。

岩。楚王臺泥。湘水碧。湘水深。客、本金閨人，視風

辰南國漠然，忽遇舉。抗志真穎，趾榮華。衆所趨知者，密損益。薇荇孤
兔次決濟風雨，色常恐。衣上塵，汗我林下石。重華仰海宇，夔高易為
力。去君勿遲，憶孰云識。

我本耕牧，豎結廬。章江溪微生，屬休明。世尚猶，典札驚。避卷飛轍，繁
落。漫此始三年，江漠春萬事。隨逝水，既昧理。生術復，慚遊方。旨豈無
青山，蹄上有榮。與梓何為，若留滯。春存君子，諒不然。東泉草

耘籽

黃鵠山聽雨得清字

玄局息深楫，虛館舍餘清。蒲涵松上未，瑟縮花間鳴。溽夏夜柝警，
寒更并懷新。感化別撫物，愧生成土思。浩方殷，春敷耿。逾明幸及
朋知好，達此旦暮情。北首非窮轅，南山夢歸耕。何言託毫素，聊用款

平生

贈別李時毅得南樓月

娟、臨古戍晃、
鮮烟樹寒通雲夢深白映蒼梧暮胡床看愈近楚
酒愁難駐雁背欲成霜林梢初泣露故人明夜泊相望定何處且照
東湖歸行送歸州去

送姜尚志得官後携新妾歸省

海薄徂年歲離別忽在茲寒城落木後虛館殘鐘時家在雙井上心
隨孤鴻飛落日布帆遠青山尊酒移蒼茫倚閭情愴零雨詩託身
名教中固應慎其儀志尚既不殊情鍾自成悲昔見已云晚再會良
無期濯足彭口口口口高堂歸宦髮喜垂涕兒童問字衣野老借檄
看隣女隔牆窺田園各成熟松竹口口口口口一在眼難泰相提携翻

知在家樂不恨為官遲放浪乘化遷何用世俗知

遊禪林寺喜得昌上人

靈泉懷獨往危軒泊閒窈偶与塵事違况值禪林客深苔剝脩玉輕
霏澹凝碧實見飛鳥還靜聞寒滴空明會真賞漂流見良覲常恐
心跡乖無由展平昔

奉陪憲使程公遊麻原第三谷宴歲書山房白雪樓時三月

三日

明公當暇豫勝日懷登臨蹀躞馳馬行窈窕出人心縣崖響晴雨森
流濯春陰雲門轉絕壑西橋貫長林掃石慨往運聞鐘知古音省松
有百圍突嶂踰萬尋小憩釣魚臺聿瞻華子岑捫蘿入標緲側迤凌
蕭森口口百尺樓下有孤猿吟初筵俯曾顛微風散危襟語咲信忘

我觥壽沾難任豈不念永留惘然歸思深

送雷山人遊山

高人雨中至邀我遊山作自非冥冥口口口紛華落方春迺發軔殘
雪猶映薄隨雲度神皋披烟望靈嶽晞沐朝陽谷照影清水壑淹留
皆隱淪往還必恬漠惟應樵與牧時逢得奇藥歸來雖未期鬢髮終
如昨

送孫志言遠遊

志士遊四海豈拘名利牽孫子三十餘懷策靡遑安仰視流光馳千
歲俄頃間青鏡中髮閉閣守丘園昔者限南北放浪徒空言曠然
六合中何為惜飛翻晨裝既云具良友咸在門依別老親惘語
弟昆出門即萬里回首惟浮雲豈無骨肉念身負天地恩白日出東

峰綠樹徧平原歡會良未期行情何由宣出處各努力還歸觀所敦

贈髻者黃生

髮飾肇有虞大樸已雕刻紛百代下巧容何多端黃金間毫髮文
螺錯爛編竹樹冠臺殿祥雲隨鳳鸞五采被牀几豈獨匪与盤坐使
圭璧暗所好移所觀黃氏擅良工出入三十年馳譽必名流迎致皆
上官美賈一朝起群工那敢班執絕誠足貴古道何由還

送管錄事赴東平走筆作

十月燕地凍原野何蕭條征車臨長途行子去中朝濟同舍生載
酒集河橋子當撫娉裝行役在晨朝脫葉辭高林散漫復風颭離鴻
別杜渚嘹唳空曾霄一觴不盡傾何處相招邀東魯非遠邦錄事非
冗僚矧定夫子地餘風諒非遙眷言懋殊績夙夕佇嘉招

廬山郭教授數相覓不見忽聞歸省却赴官雲南奉寄五言
一首為別以荅願交之意

蕪謬忝詞館晨出歸恒夕親交猶自踈况乃未嘗覲誤蒙君子賞驅
車數相覓暮見門間題中夜猶怵惕反愧應門子時奉冰玉色云何
心所懽万里西南役終乖携手好同是思親客過家君已先淹泊誰
復識東風動楊柳河水流不息何以展所懷中心者金石

和酬馬伯庸供奉使館間題見示二首

陰沈闕華館窈窕宜芳樹秋日透清輝晨飈翼輕霧飛文盡威鳳擢
質皆振鷺平生寡儔匹及此同散聚云何感羈遊對酒恒不御羨君
躡高第早聽傳臚句時從鴛鴦侶縱轡驄路紉史吾豈堪讀書君
不誤

飛葉滿京華青松臨廣庭連翩集軒蓋卓犖皆時賢青松豈不高衆
草自芊芊感此理文翰恒恐迷所先蒐獵殘缺間終歲不成編矯情
或傷直含辭非取妍宣尼萬世標斯道庶昭宣元功既森列群衆咸
牽聯終焉悞非才申旦長惕然

重送曾應奉及周邵諸君子

晨興戎徒旅行子即長路天衢風雨過升陽在高樹發軔東南門解
權紛往緒迴瞻彤庭闕彷彿玉堂署遺榮誠所難勇退無枉步聯翩
數君子意氣更相慕文采掩春華清言敵朝露超遙去由迹曾何悒
情悵懿此昌明時各有丘園趣

熊英德哀辭

靈飈我先路魯鼓中夜發旌旒揚廣衢輶車出城闈素纒紛前逝疏

麻森後列罔。迷據依營。會精魄流雲冥飛蓋平野一何闊慟哭
積水濱哀歌青林樾翔鳥為迴薄我馬如頽秣農夫釋耒嘆行子憑
蹊惻共隱善人喪矧承君子列平居異山隴累別兼歲月規戒晞暮
齡歡燕中道歎時哲衆所屬六十非短折撫物自傷摧瞻望猶恍惚
南棘憚歸旆北首悽往笈千春驥岑趾流藹餘篇帙宿草日已深聲
容閔出次

雜詩

東風吹百草沿路一時生
蘇桃與天杏徧野復盈城
東隣宰肥牛西里按新聲
孰不乘時節為樂快心情
平明出南郭登高望帝京
大哉山河固喟然獨撫膺

社日玄鳥至入我高堂飛
舊泥幸未拆新泥復相依
豈徒安爾身復欲長其兒
言語嬌且閑上下通差池
勿因秋風起相逐忽還歸
嚶鳴出深谷草木皆華滋
昨日悲嚴霜爛熳楊光輝
雞鳴車馬動日暮交橫馳
賤士錦鞍韜貧女金裳衣
各願得所欲及此艷陽時
青、孤生松高出浮雲中
下無嘉樹林上有萬里風
俯視原上草秀色何豐茸
自顧豈不高獨立難為容
常恐本根蠹委此蒿与蓬

城南有名園車馬何喧
綠池夾高柳百草朝且鮮
平明集高臺日暮不能還
美酒百壺少豐厨豈論錢
麈服羅四座急管應絲絃
燕歌儼成行趙舞交蹁跹
但得主人傾陋質自成妍
還過舊遊處池館謾依然

寓興五首壽吳大宗師

古稱神仙人乃自秦漢間
由來英雄士重已輕人
寰子房過黃石取

履非所難一朝後志松高風安可攀
昔有安期生本是漢奇士高視群雄間窈窕
粒咀元氣一食如瓜束金石烏足貴超凌八極外洞達無始際時從
王子喬吹笙下遊戲咄爾燕齊入宿留安可致
方朔起平原高志凌紫氛上書三千牘長揖乃乘君論點寄中朝高
爵固非群繼綵緣世主諧笑匡國均三食王母桃不受王母嗔高風
軼万代誰欽繼清塵
伯陽閑周西度函谷閑誰令守閑者再拜希一言敏容為之陳文
字至五千聊因令尹啟本欲使又傳煌煌百代下繼者良独難
赤松隱崑崙廣成在空同德為王母歸道与軒轅通既枉赤水駕時
秋宮圖宮先天本非始後天亦無終自非玄德人誰能躡奇蹤

西中作
孟夏涼風來吹我羅裳衣此服豈不稱炎暑方及期婉戀庭中花煌
煌有光輝自信好顏色何能与时遺冥心委元化勿為後世嗤

送劉旌德

大火流坤維西風集庭柯積潦不歸壑浮雲鬱叢叢山東擁盜賊荆
右疲征科嶺外兵不解湘南及于戎郡縣無良材平人嬰禍罹空氏
彈鳴琴言游六弦歌劉子宰旌德為治當如何

題淵明撫松園

抱拙辭下邑曠然獲所安孤松臨廣園聊且共盤桓清晨散遊崇日
入自當還霜露不相貸時物換殊觀茲植烏所貴昔為聖者嘆

題道子昂寒翠函

石潤欲生雲山寒疑有雨高林葉盡脫低草綠堪數因知靜者要更
覺王孫苦小草枯樹根茸欲華予

初至京師和荅友人病中見示

志士輕離別貧賤事多違秋風車馬中故人高臥時遠客江南至塵
土滿素衣既申離合情中多勞苦辭歡笑未幾何感嘆已乘之欲及
田里事復恐疾疢滋疊疊流景遷榆柳各變衰偃息寄一室朝夕終
在茲委運復何言人生信可疑我獨何為者日出暮來歸

重餞何太虛

雞鳴曉色動行人出南郭裴徊望車馬飛雪何漠漠巨野四面平中
路淒以索黃狐超客過驚鷓向人落結軫赴悲笳凝酸厲哀角時逢
古人跡回完平生學迴首睇關山低心望蓬藿離合兩不期思懷独

雜記

贈洪參軍兄弟

洪氏起遼海流章耀八紘孝友根世學忠貞自天成入為帝羽儀出
秉國鈞衡洋之高門居濟羅公卿籍甚澄与濶玉質金為聲析理
貫秋豪摘藻豔春晴朝趨承明內幕進賢友生衣錦綬尚絅穆然合
粹精靈鳳非求知出為世所驚奇璞隱崑岫采充清廟英堯湯攬群
才聖道日光明豈惟殷膚敏裸將在周京蒼天雖云高乃心此黎氓
君臣兩不易相期底隆平君德貴并包臣道戒驕盈立賢必無方拔
茅思彙征勗哉教厥終兩賢信國楨

送馮尊師還岳陽

馮公住天岳夙抱丹霞賞結構何威魏連延瞰高爽飛縈帶遙甸周

覽春冰澹日落長沙明風迴洞庭響事因多病簡道與流年長郡邑
費招邀賢豪畢知樊翳然庭中樹宴坐寐餘想流雲時縱橫函美自
來往還因棟^採葉相覲精神壞悵望忽言歸川塗日脩廣

題山水卷

梢、雲木動韻、烟峰乱遠浦引歸橈獲崖臨絕岸方思隱淪客欲
結漁樵伴水濶山更遙出期空汗漫

題清江黃氏池亭、名玉壺水

新亭環碧池、水何漾深偶携麈外侶薄言此窺臨端、若有畏憑
、如弗任既抱執盈念仍懷履薄心白日麗清暉微風在遠林洞達
忽無際徵明諧素襟還君玉如意理我雲門琴

三月晦日送春得詩字

變化無終極形氣遞推移昨日名園中徂春忽在茲曄、華林彩繡
蔭綠成帷後結遊女懷和增志士悲况此客行子風水積川坻撫壯
思始榮臨芳念將衰安知盛長後不有墜凝時俯瞰江水流仰与
風期各言早還歸毋勞東山詩

題陳椽菊迳

達士隨所適跡異心恒素時從府中歸問菊松下路初欣碧葢長復
愛繡英布冠以古井泉中之九秋露有酒共斟酌無人還獨步結意
常恐非留權輒忘暮高天遙澄穆平川澹容与落日明歸禽踈籥統
蒼樹懷芳諒為美居榮豈云慕矯首今何時孤雲為誰去

題蘆雁四首

江湖處、非况汝一身微如何却欲下只合更高飛自不作雙飛沙

頭叫向誰碧天無限好何處不堪隨。朝飛自作行夜宿更成獲誰
能如此鳥和月占秋江。寒就江南暖飢就江南飽莫道江南惡須
道江南好。

題李陵送蘇武圖

一與故人別死生寧復親休言典屬國猶得登麒麟今朝送漢節迢
遞入秦關惟有沙場夢相隨匹馬還慘澹河梁路參差塞上山誰言
是死別日夜望生還

題風烟雪月四梅圖

逍遙芳樹下解石寒花發立盡晚來風明朝恐成雪
高花開笑點澹霜拂成衣遙瞻應不見相對尚依稀
年。霜雪裡得見此花開此花元不覓一任雪霜催

玉樹臨風好更於明月宜空山冷相照未必有人知

題牧羊圖

求牧既已得敗羣還復去白晝捫蝨眼清風滿高樹

題草虫高二首

傾陽朝莫同志憂歲年改蜂蝶那得知側翅方采
有竹不必多有莖當自熟坐看蜻蜓輩日晏紛相逐

再題二首

種藥都防憂滋蘭總為春青蛙與蜥蜴何用共紛
直節宜矜堅弱蔓口空纏微霜一夕降蚱蜢亦悽然

題石頭和尚草菴圖

青天不可量好風亦無價試覓菴中人蕭然古松下

題何尊師耕牛圖
惟一半並無坡岸草樹人物之屬

莫是度閩者寧非喘月時
茫然天地內誰問復誰知

題柯博士為方叔高所画墨竹
蒼四君子意氣侵雲端
六月不敢近蕭風露寒

立氏南陵月磯亭

明月滿灣碕先生獨釣時
漁人渾未識惟恐白鷗知

題四梅圖

一魚松竹
一魚水仙
一魚山磬
一魚蘭竹

一魚雪月
一魚水芝

小徑蒼松側踈籬翠竹間
相逢如有約久立不知還
亂蕊遠難分寒香近却聞
何人心與迹於此可同聲
誰將配水仙更欲比山磬
試問花知否臨風笑不言
芝草黃金色蘭心紫玉蕤
忽從花下見可恨不同時

送阿英童歸楊氏

弱女年十三兩年失母慈
看拜阿婆去憶着初生時

野鴨詞

野鴨雙沒輕鷗兩浮人生亦如此
那有別離憂

題雪竹初霽圖

已奮尚離披連朝被壓敵
虛心与直節唯有太陽知

題蒲萄

翠實肥初熟瓊漿迸欲流
向來為酒者一斗博涼州

揭曼碩詩續集卷之二

飲酒篇悼亡後作

昨日飲酒，若薄。今日飲酒，必不樂。未知明日還如何。枝上落花能
許多，胡蝶飛，春草。對語黃鸝清且好。有酒有酒，且莫沽。庭前獨
宿鴛鴦雛。

從他痛辭并序

江少虞類苑載開室中金陵人備故嘗得石記隸書從他痛凡數百
字末復云不為石子盡更書千萬箇從他痛未吳王師渡江余謂此
必埋恨者非渡江讖也作從他痛辭

石可絕恨不滅，日月雖光明不照石上情。深化作秦淮水，流成
血波濤起，流入東方大海中。風波吹復向秦淮，裏秦淮裏深復深。土

啣石上字、字痛連心痛連心從他痛秦淮水空相送除是相逢話
痛時始是此心無恨期

吳歌一首送張清夫提舉征東校官先還吳中

吳中女兒白如華吳江燕、拂波斜吳中魚肥米可束夫君無事久
忘家夫君自別吳江水聲名籍、京華裏家、屏幃待新詞日、王
侯置醇醴吳中之居不可踰京華之樂天下無高官厚祿不願有上
疏乞官遼海隅秋風高吹燕山對扁舟且向吳中去吳中見女白如
玉看着新袍入華屋

贈許道士

廬山道士許自然二十武當學飛仙白雲冥、不可見天際時聞清
嘯傳虎將乳子共遊戲龍化老人同食眠無求始悟身非患有道方

知世可指忽聞賣藥入都市便欲乘風凌紫烟、之中曠邈、下
視人世真堪憐爾曹齷齪塵埃下何日南山歸種田

題李見心小蓬萊

蝸皇狡獪弄餘智手插神仙滄海裏不教寸碧落入間弱水更環三
萬里何人搏土為此奇太乙真人謫仙子美容為丹桂為楫碧玉連
環白雲覆山根植東漸如瓜山頭種玉今成髓平生九州視一豪秦
皇漢武空勞、山林冥杳百鳥號明月飛出琴聲高

黃母吳氏挽歌

新安之水清且深、深如見黃母心新安之水高且烈、烈如見黃
母節母也不幸早嬰居三十未有二十餘六十餘載一日如子又能
孝孫詩書嗟母之德靡不宜人歌不足國旌之爾今死矣歸何時新

安之山可鏗而夷新安之水可陸而馳黃母之德不可思

送墨工潘生還臨江

豫章朱氏以墨名直與郭玘爭豪英臨江潘氏得墨法乃自柯山翁
彥卿朱氏親承天子詔墨入奎章独称妙潘氏近日来京師群公得
之惟恐後潘云吾墨猶草盡執為之當更好明年北際来京師始
知吾墨堪為宝東風蕩吹燕山行人髯掉臂還明年獻墨奎章
閣却与朱氏分朝班

武岡扶丘山紫府延壽宮宋張真人守靜所居也至今禱雨
賜輒應其徒純真子饒君礼誠延祐中入京師為今玄教大宗
師吳公所知居太乙延福宮十五年將南還山中詩以送之
洞庭之南扶丘之山縣連九疑控百壘昔在嘉定之世真人張氏隱

居學道於其間祈晴即晴雨即雨奔走郡縣勞躋攀鋤雲架霧開紫
府采芝種术留朱顏夜驅猛虎守庭戶晝役鬼物除榛管真人乘雲
上天去但有青寫白雀長往還雲霓尚与司豐艱爾来一百五十歲
弟子饒君通道氣一住京華十五年太乙宮中獨超異不求逆少馬
黃庭欲逐浮丘攬香袂南望悽其憶故宮黃河日与夢俱東河流到
海不復返故宮長在白雲中天地無停機日月無淹軌歸去乘白雲
裏

題漁樵問答高

我在孤舟爛醉来君從何處看暮回高山流水元同調明月清風不
用媒江上柳早先摧天上雁正衰細富貴何如歌一曲功名争似酒
三杯我但負新君但釣百年誰喜復誰哀

題劉商觀奕圖李伯時臨蘇子瞻跋茅君彥刻

劉商画手神運筆龍眠臨之如已出不知奕者何代人雖無名姓若有神、凝志定萬緣息觀者亦後遺秋春松風吹衣石泉響朱草叢生王芝長眉陽仙客最相知更託茅君寄心賞

題陳所翁雙龍圖為寅上人作

雙龍画壁玄淵開萬物顛倒隨雲雷龍公被髮向空寫身是真龍非画者鐵作鬚鬣玉作鱗雷出兩目雲繞身偶然會合此何處仰面向天、不嘆世間眩轉空形影倏忽變化那能省高僧說法夜來聽誰道相逢非夢境斗牛蒼、風雨暮泉阿豈識延平路當時縱無雷煥與張華未必終藏不飛去

題玉笥山邵道士所藏米芾奉使贈劉道士

紫帽山人方季若臨江謫居亦行樂二十四礪緣源行三十三峰看月明奉使不愧蘇子卿招隱更遇劉徐平劉郎彈琴震金石方公作歌酒和墨一時意氣傾座人千載風流寄仙籍兩公一去無消息竹下松間盡行跡遺墨蕭條鎖白雲山中歲、蕊華春宋金往事無勞問夜、虛壇候子貢

題彭尊師禱雨詩卷

道人役雷如小兒顛倒鬼物愁蛟螭祈晴得晴雨得雨身不勝衣膽如虎東通吳越北淮漢到處遊人憂水旱手提豐歲与疲吐金帛盈庭未曾看閩山疊、躋金峰新山叢、碧玉宮洗劍長留雙澗月彈琴尚憶萬松風大臣無端薦天子十年留滯京華裏悠、危從春復秋歸心已逐東流水去年天下旱且蝗流殍滿道無人藏安得君等

此首重出

遍八荒不使水旱憂堯湯

書鷹

文梁五色條秋高意氣豪張兩目直霄漢豈與短翮翔蓬蒿妖狐
畫作猛虎嗥駟虞莽與神麟逃嘆爾飽食心空勞

送張使君棄官學道

至元天子朝萬國任丘使君謝病歸門前未罷車馬客身上已着朝

真衣致君光舜在豪傑洗耳巢由何是非棲雲觀裏青松樹唯有白

雲終日飛

重出

番芳蕭性潤携其祖將領所愛唐琴號霜鐘者還自和林未

詩六月三日日立門宣赦後作

嵩州昔有蕭將軍讀書學劍天下聞南隨龍馬渡江去尚有孤琴傳

子孫孤琴云是唐人斲昔日軍中自行樂至今猶存殺伐聲一鼓哀

風振寥廓將軍之孫才且良文能作賦武彥張秦皇城下飲白馬祈

連山中射白狼時平好文不好武抱琴却歎儒衣誤昭王臺上看青

春彭郎磯頭夢歸路日長史館幽且閑正冠拂琴為我彈京城六月

日如火霜鍾半夜鳴空山南風自有虞廷操可惜同心不同調稍琴

扶眼望青天今日天門有新詔

題春龍聽雷圖

雷馮神龍興雲行雨施四海清雷之震神龍奮雲行雨施四海潤雷
之令神龍聽雲行雨施四海慶聖君在上賢臣在下我無事而觀化

蔡氏四邊堂

君不見車轆長安陌上爭馳逐朝出遊暮還宿問何所得與辱

又不見或漁于淵或樵于山或耕或牧其心和且聞我欲從之生羽
翰豐之東麗之陽有美一人大溪之旁水竹兮蕭々雲木兮蒼々彈
鳴琴兮不下堂禾在園薪在屋黃雞皮白魚腹嘉客來新酒熟君之
樂兮惟日不足

題邢先輩西歸山水圖

邢家蒼々西屋壁萬壑千崖動寒色大江忽轉天地迴浮雲孤飛日
月白叅差樓殿照林紅松檜悽迷起朔風崑崙蓬萊不可到赤城白
帝遙相通賤子平生尚竒偉南極衡湘北出冀復從大駕上溱京始
接邢君多意氣君昔扈從戎馬間少壯不知行路難月明飲馬長城
窟雪深射虎初連山萬里歸來太平日坐我江山百憂失平明萬騎
出天門又駕官車就行役

送黃判官歸江西

西辭夜郎國北上邯鄲道方厭東華塵又說黃平好黃平遙々度五
溪五溪更在洞庭西十年世事浮雲裏一日孤舟萬里歸桃花流水
孤舟客白髮青山五色衣堂上慈親稱壽處堂前新婦拜姑時隣人
邀種南山豆野老同尋北谷芝人生出處須經意富貴悠々差是非

和劉脩撰十二辰詩

掘鼠可以充飢飯牛可以待時何須入穴求虎子更學校兔三穴為
我生誤逐攀龍者歲蛇丹々那堪把又無勛力騎快馬日射黃羊陰
山下空餘野性獼猴同但求歸作祝雞翁柴門狗吠閉閣睡萬事彈
如牧猪戲

發臨湘得風

臨湘縣前江水流茅廬沽酒大如舟莫道天風不相待一時吹上岳陽樓

聞西師捷口號二首

聞道西南掃蟻封何時雨露洗妖尫必行徃代羈縻榮_莫倚窮荒戰伐功

萬里春風送捷書千年王氣拱皇居越裳白雉應頻入浪泊飛鳶正念渠

漢茶陵侯廟

高帝安劉慮未危賈生可恨不同時長沙更有回旋地千載茶陵無古祠

泉子嶺作

已過泉子嶺頭路荒甸茫_茫碧草乾日_日不收牛馬亂青烟起處是營盤

金衣翠帽路傍女跣足連聲駕犢車_車下晝眠車上宿每逢水草便為家

北樓雪後酒醒獨吟

幾點微雲翳曉晴半峰殘雪隔江明小樓獨對春城北酒醒匡牀聞鵲聲

聞熊徒嘔血亡

碧血凝秋萬事空此生無復一尊同到家又近重陽節應是哭君風雨中

待潮

扁舟夜闋寒沙際
欵枕待潮紅日高
無數征帆背人去
海門何處水

題吳越王卷周克儉謝賜物及陳事宜手帖

吳越山川畫不如古今人物半能書
從容霸國君臣礼
猶見錢王翰墨餘



揭文安公文集九卷詩集五卷宋賓王手校本前有賓王題識六行云得自吳郡顧氏按元百家詩選俱据汲古閣刊本其飲張氏別墅以下詩四十首云從各選本錄出者自憶昨陪遊麻原第三谷題西壁山水圖重餞李時教題雙龍圖八首外皆此本所不載則未見其果為秀野草堂藏本也至揭文粹所登文五十七首俱集中翹楚賡王乃謂文粹之文是其前作非選粹也亦不其然甲寅中秋松陵楊復吉

和字